

〔續日本紀二十三〕淳仁天平寶字七年十月丙戌、參議禮部卿從三位藤原朝臣弟貞薨、弟貞者平城朝左大臣正二位長屋王子也。○中勝寶八歲、安宿黃文謀反、山背王陰上其變、高野天皇嘉之、賜姓藤原、名曰弟貞。

〔類聚國史政理七十九〕延曆十一年七月乙卯、勅頃年京職輒賜諸王姓、即著籍帳以成常、自今以後、六世以下之王情願賜姓、注所願姓、先以申請、然後行之。

〔日本後紀十〕桓武延曆廿三年正月己亥、制延曆十一年七月三日格、六世已下王情願改姓者、注所願之姓、先申官待報然後改之、不得輒行者、頃年之間、未有申請、既違格旨、自今以後除承嫡之外、猶不改者、宜抑止計帳、不得疎口。

〔續日本後紀三〕承和元年二月甲午、三品明日香親王薨焉。○中先太上天皇嵯峨在祚時、親王上表、自請除親王號、同之諸臣不見許、更祈所生男女賜朝臣姓、感其懇誠、乃聽之、孫王賜姓、從此競效之。

〔皇胤紹運錄〕

桓武天皇

葛原親王

〔平高棟〕天長二閏七賜平姓

〔續日本後紀一〕仁明天長十年五月甲寅、六世長岡岡於王等男女廿七人、賜姓清原真人。

〔續日本後紀十〕仁明承和八年七月己卯、右京人、六世御津井王、是雄王、真雄王、國雄王、本吉王、淨道王、稻雄王、多積王、安富王、伊賀雄王、三輪女王、坂子女王、七世新男王、春男王、三守王、並雄王等十六人、賜姓有澤真人。

〔續日本後紀十七〕承和十四年七月甲申、右京人、六世賀我王、七世真桑王等十三人、賜御高真人姓。

〔續日本紀三〕桓武十七延曆二年九月丙子、近江國言除王姓、從百姓戶五烟口一百一人、戶主櫻村井上大